

1. ხელშეკრულების დამდები მხარეები

1.1. ერთი მხრივ, სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“ - ს/კ №211324351 (შემდგომში „შემსყიდველი“), ცენტრის გენერალური დირექტორის მოადგილის/პროგრამების დირექტორის ირმა ხონელიძის სახით, და მეორე მხრივ, შპს „_____“ - ს/კ №_____ (შემდგომში „მიმწოდებელი“), მისი დირექტორის _____ სახით.

2. ხელშეკრულების საგანი

2.1. შემსყიდველმა განახორციელა ელექტრონული ტენდერი (NAT_____ - ელექტრონული ტენდერი აუქციონის გარეშე) აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) დაფინანსებული „ტუბერკულოზის ყველა ფორმის ხარისხიან დიაგნოსტიკასა და მკურნალობაზე საყოველთაო ხელმისაწვდომობის მდგრადობის უზრუნველყოფა“ (გრანტი №GEO-T-NCDC) პროგრამების ფარგლებში (CPV კოდი 30213300 - მაგიდის კომპიუტერები (დესკტოპები)) - 815 ცალი კომპიუტერის (All-In-One) შესყიდვაზე, რაზედაც მომწოდებელმა აიღო ვალდებულება მოაწოდოს შემსყიდველს ზემოაღნიშნული საქონელი.

3. შესყიდვის ობიექტის ღირებულება

3.1. შესყიდვის ობიექტის ღირებულება შეადგენს _____, რაც მოიცავს შესყიდვის ობიექტის და მისი მიწოდებისთვის გათვალისწინებულ ყველა გადასახადს (შემდგომში „ხელშეკრულების ღირებულება“).

3.2. ხელშეკრულების დაფინანსების წყაროს წარმოადგენს აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) დაფინანსებული „ტუბერკულოზის ყველა ფორმის ხარისხიან დიაგნოსტიკასა და მკურნალობაზე საყოველთაო ხელმისაწვდომობის მდგრადობის უზრუნველყოფა“ (გრანტი №GEO-T-NCDC) პროგრამა (საბიუჯეტო ხაზი - _____).

4. შესყიდვის ობიექტის მახასიათებლები

4.1 შესყიდვის ობიექტის მახასიათებლები, რაოდენობა და ერთეულის ფასი, განისაზღვრება ელექტრონულ ტენდერში მიმწოდებლის მიერ წარმოდგენილი თანდართული ფასების ცხრილისა (დანართი N1) და ტექნიკური დავალების (დანართი N2) შესაბამისად, რომლებიც წარმოადგენს წინამდებარე ხელშეკრულების განუყოფელ ნაწილს.

5. ხელშეკრულების შესრულების კონტროლი

5.1 ხელშეკრულების შესრულების კონტროლს განახორციელებს ხელშეკრულების შესრულების კონტროლის განსახორციელებლად შექმნილი ინსპექტირების ჯგუფი ან/და საამისოდ უფლებამოსილი პირი.

5.2 ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება მიმწოდებელს.

6. საგარანტიო პირობები

6.1 „მიმწოდებელი“ უზრუნველყოფს მოწოდებულ საქონელზე უფასო საგარანტიო მომსახურებას. საგარანტიო პერიოდი შეადგენს 3 (სამი) წელს, მიღება-ჩაბარების აქტის გაფორმების თარიღიდან. სატენდერო დოკუმენტაციის 1.7.1 ქვეპუნქტის შესაბამისად.

6.2 საგარანტიო ვადის მოქმედების პერიოდში, ქარხნული წუნის გამავლენის შემთხვევაში მიმწოდებელი ვალდებულია დასაბუთებული შეტყობინების მიღებიდან ერთი სამუშაო დღის ვადაში დაიწყოს მუშაობა გამოვლენილი წუნის აღმოსაფხვრელად ან შეცვლისათვის საჭირო ზომების განსახორციელებლად, შემსყიდველის მხრიდან რაიმე დამატებითი დანახარჯის გაწევის გარეშე.

7. საქონლის მიწოდების ვადა, ადგილი და პირობები

7.1 საქონლის მიწოდება ხორციელდება ეტაპობრივად ან/და ერთჯერადად ხელშეკრულების გაფორმებიდან 2019 წლის 25 დეკემბრამდე.

7.2 საქონლის მიწოდება უნდა განხორციელდეს, შემდეგ მისამართზე - ქ. თბილისი, კახეთის გზატკეცილი N99 - სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (შემსყიდველთან შეთანხმებით).

7.3 მიმწოდებელმა უნდა უზრუნველყოს საქონლის მიწოდება შესაბამისი ნორმების სრული დაცვით.

8. შესყიდვის ობიექტის მიღება-ჩაბარების წესი

8.1 მიღება-ჩაბარების წინ განხორციელდება მიწოდებული საქონლის ინსპექტირება, რომელსაც განახორციელებს ხელშეკრულების 5.1. პუნქტით განსაზღვრული უფლებამოსილი პირ(ებ)ი.

8.2 საქონლის მიწოდებაზე ფორმდება მიღება-ჩაბარების აქტი, რომელსაც ხელს აწერენ მხარეთა მიერ სათანადოდ უფლებამოსილი წარმომადგენლები.

8.3 შესყიდვის ობიექტის მიღება-ჩაბარებისათვის, მიმწოდებელმა უნდა წარმოადგინოს სასაქონლო ზედნადები ან/და საგადასახადო ანგარიშ-ფაქტურა (არსებობის შემთხვევაში) მიწოდებული საქონლის დასახელების, რაოდენობის, ერთეულის ფასის და საერთო ღირებულების მითითებით. ანგარიშ-ფაქტურაში ან/და სასაქონლო ზედნადებში მიმწოდებელმა უნდა მიუთითოს წინამდებარე ხელშეკრულების ნომრი.

8.4 მიმწოდებელმა უნდა უზრუნველყოს შემსყიდველისათვის 8.3. პუნქტში ჩამოთვლილი დოკუმენტების წარდგენა საქონლის მიწოდების დასრულების თარიღიდან არაუგვიანეს 5 (ხუთი) სამუშაო დღის ვადაში. აღნიშნული დოკუმენტაციის შემსყიდველისთვის დაგვიანებით მიწოდების შედეგად წარმოქმნილი ყველა ხარჯისთვის პასუხისმგებლობა ეკისრება მიმწოდებელს.

9. ანგარიშსწორება

9.1 „მიმწოდებელთან“ ანგარიშსწორება განხორციელდება ეროვნულ ვალუტაში, მიღება-ჩაბარების აქტის გაფორმებიდან არაუგვიანეს 20 (ოცი) სამუშაო დღის ვადაში.

9.2 „მიმწოდებელთან“ ანგარიშსწორება განხორციელდება ეროვნულ ვალუტაში, ანგარიშსწორების დღისთვის ეროვნული ბანკის მიერ დადგენილი ოფიციალური გაცვლითი კურსის შესაბამისად, გარდა დამატებული ღირებულების გადასახადისა. დამატებული ღირებულების გადასახადის ანაზღაურება მოხდება მიმწოდებლის მიერ კანონმდებლობის შესაბამისად წარმოდგენილი საგადასახადო ანგარიშ-ფაქტურაში დაფიქსირებული დღგ-ს განაკვეთის შესაბამისად.

9.3 წინასწარი ანგარიშსწორების გამოყენების შემთხვევაში, ანგარიშსწორება განხორციელდება ხელშეკრულების საერთო ღირებულების — ლარის ოდენობით, წინასწარი გადახდით. მიმწოდებლის მიერ მოთხოვნილი ოდენობის თანხისა (ბანკის მიერ გაცემული) გარანტიის წარმოდგენიდან 10 (ათი) სამუშაო დღის განმავლობაში.

9.4 მიმწოდებლის მიერ წარმოდგენილი გარანტია ძალაში უნდა იყოს — ჩათვლით (წარმოდგენილი საბანკო გარანტიის მოქმედების ვადა 30 დღით უნდა აღემატებოდეს ხელშეკრულებით გათვალისწინებული საქონლის მიწოდების საბოლოო ვადას).

9.5 მიმწოდებლის მიერ ნაკისრი ვალდებულების შეუსრულებლობის შემთხვევაში საავანსო გადახდის გარანტია დაბრუნდება მოხლოდ ფაქტიურად შესრულებული სამუშაოს ღირებულების ნაწილში, დარჩენილ თანხაზე გარანტია არ დაბრუნდება.

10. ხელშეკრულების შესრულების გარანტია

10.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, ამ ხელშეკრულებაში გამოიყენება საბანკო გარანტია ხელშეკრულების ღირებულების 3%-ის ოდენობით, რაც შეადგენს _____, რომელიც ძალაშია 2020 წლის 31 იანვრის ჩათვლით.

10.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ ან/და მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

10.3 ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში, შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის გარანტიას და იმოქმედებს საქართველოს კანონმდებლობის ფარგლებში.

11. მხარეთა უფლება-მოვალეობანი

11.1 შემსყიდველი უფლებამოსილია მოითხოვოს ნივთობრივად და უფლებრივად უნაკლო საქონელი;

11.2 შემსყიდველი უფლებამოსილია შეწყვიტოს ხელშეკრულება საქონლის ხარისხის და/ან მოწოდების პირობების გაუარესების გამო, აგრეთვე მე-12.4 პუნქტით გათვალისწინებულ შემთხვევაში;

11.3 შემსყიდველი ვალდებულია უზრუნველყოს:

ა) მოწოდებული საქონლის ღირებულების დროული გადარიცხვა მიმწოდებლის საბანკო ანგარიშზე;

11.4. მიმწოდებელი უფლებამოსილია მოსთხოვოს შემსყიდველს საქონლის ღირებულების დროული ჩარიცხვა მის საბანკო ანგარიშზე;

11.5. მიმწოდებელი ვალდებულია:

ა) უზრუნველყოს ამ ხელშეკრულებით განსაზღვრული ხარისხის საქონლის მოწოდება შემსყიდველისათვის წინამდებარე ხელშეკრულების პირობების შესაბამისად;

ბ) უზრუნველყოს საქართველოს კანონმდებლობით დადგენილი გადასახადების გადახდა და არ მოსთხოვოს შემსყიდველს სხვა არავითარი გადასახადის ან დამატებითი თანხის გადახდა;

გ) გაეცნოს და დაიცვას გლობალური ფონდის (დონორის მიერ პერიოდულად განახლებადი და გლობალური ფონდის ვებ. გვერდზე <http://www.theglobalfund.org/en/documents/governance/> განთავსებული) „მიმწოდებლების ქცევის კოდექსი“ და ასევე უზრუნველყოს მისი გაცნობა ქვეკონტრაქტორებისთვის (არსებობის შემთხვევაში).

12. მხარეთა პასუხისმგებლობა ხელშეკრულების პირობების შეუსრულებლობისათვის

12.1 საქონლის მოწოდებისთვის განსაზღვრული ვადების დარღვევის შემთხვევაში, მიმწოდებელი ყოველ ვადაგადაცილებულ კალენდარულ დღეზე გაანგარიშებით იხდის პირგასამტეხლოს შეუსრულებელი ვალდებულების ღირებულების 0.03%-ის ოდენობით.

12.2 ხელშეკრულების მე-9 მუხლით განსაზღვრული ვადების დარღვევის შემთხვევაში შემსყიდველს ეკისრება პირგასამტეხლო ყოველ ვადაგადაცილებულ დღეზე გადასახდელი თანხის 0.03%-ის ოდენობით.

12.3 საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

12.4 ერთი მხარის მიმართ საჯარიმო თანხის ხელშეკრულების ღირებულების 0,6%-ს ოდენობით დაფიქსირების შემთხვევაში, მეორე მხარეს უფლება აქვს შეწყვიტოს ხელშეკრულება.

12.5 მხარე ვალდებულია ამ მუხლით გათვალისწინებულ შემთხვევაში დაკისრებული პირგასამტეხლო გადაიხადოს წერილობითი შეტყობინების მიღებიდან 30 (ოცდაათი) დღის განმავლობაში.

13. ხელშეკრულების პირობების გადასინჯვა და ფასები

13.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

13.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

13.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.4 ხელშეკრულების პირობების ნებისმიერი ცვლილება ან/და დამატება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14. ფორს-მაჟორული გარემოებები

14.1 ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

14.2 გადაულახავ ძალად ჩაითვლება შემდეგი:

ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა; გ) ეპიდემიები;

დ) ბლოკადა ან ნებისმიერი ეკონომიკური ემბარგო;

ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტს ან აჩერებს ხელშეკრულების დებულებებსა და პირობებს.

14.3 ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

14.4 ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

14.5 ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

14.6 ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

14.7 ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

14.8 მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე გონივრულ ვადებში.

15. დავები და მათი გადაწყვეტის წესი

15.1 მხარეთა შორის წამოჭრილი დავა შესაძლებელია გადაწყვეტილ იქნეს ერთობლივი მოლაპარაკების საფუძველზე.

15.2 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.3 თუ მხარეები ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს საქართველოს შესაბამის სასამართლოს კანონმდებლობით დადგენილი წესით.

16. ხელშეკრულების შეწყვეტა

16.1 ხელშეკრულება წყდება ხელშეკრულების ვადის გასვლით, ხელშეკრულების პირობების შესრულებით ან მხარეთა შეთანხმებით.

16.2 ხელშეკრულება შესაძლებელია შეწყდეს ხელშეკრულების მე-12.4 პუნქტით გათვალისწინებული პირობების დადგომით ან/და ამ ხელშეკრულების განსაზღვრული ვალდებულების შეუსრულებლობის გამო.

16.3 მხარეთა შეთანხმებით ხელშეკრულების შეწყვეტის შემთხვევაში ინიციატორი მხარე ვალდებულია მეორე მხარეს წერილობით 30 (ოცდაათი) კალენდარული დღით ადრე აცნობოს აღნიშნულის თაობაზე. ხელშეკრულების შეწყვეტას უნდა გააჩნდეს ობიექტური დასაბუთება.

16.4 წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

16.5 ხელშეკრულება შეიძლება შეწყდეს ასევე, ამ ხელშეკრულებით გათვალისწინებულ ცალკეულ შემთხვევებში.

17. სხვა პირობები

17.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გადრმავების სურვილით.

17.2 ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

17.3 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.4 ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

17.5 კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

17.6 ხელშეკრულების მოქმედების ვადა განისაზღვრება 2020 წლის 15 იანვრის ჩათვლით.

18. მხარეთა რეკვიზიტები

„შემსყიდველი“

სსიპ - ლ. საყვარელიძის სახელობის დაავადებათა
კონტროლისა და საზოგადოებრივი ჯანმრთელობის
ეროვნული ცენტრი

მისამართი: ქ.თბილისი 0198,
კახეთის გზატკეცილი №99
ს/კ №211324351

საბანკო რეკვიზიტები:
სახელმწიფო ხაზინა
ბ/კ №TRESGE22
ა/ა №GE 24 NB 0330 1002 0016 5022

„მიმწოდებელი“

შპს „_____“

მისამართი: _____

ს/კ №_____

საბანკო რეკვიზიტები:
სს _____ ბანკი
ბ/კ №_____GE22
ა/ა: №GE _____

ირმა ხონელიძე

გენერალური დირექტორის მოადგილე
/ პროგრამების დირექტორი

დირექტორი